



Universitätsbibliothek Paderborn

**Ars Bonæ Mortis. Sive: Quotidiana Erga Sanctissimam Dei
Matrem Mariam Pietas**

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, 1709

XV. Augusti.

[urn:nbn:de:hbz:466:1-50916](#)

S. Arnulphus Episcopus pridie festi B. V. Assumptæ omnia pro suo funere apparari præcepit, nec in vanum, eadem enim die humi cineribus instratæ depositus obiit, postquam peccatorum veniam se accepisse à Deipara sibi aspectabili intellexit. *Lisanter in vita.* O pretiosa mors Mariæ filiorum! utinam moriatur anima mea morte Justorum.

S. Arnulphe ora pro me Deiparam, ut remissis peccatis meis beatam mortem habeam; illi me toto cordis affectu totum dedico, illam meam Dominam & Matrem eligo, Maternæ ejus protectioni me filialiter committo, cui in cœlo aliquando sociari expecto; ô Mater Dei gloriosissima hodie in cœlum abis, trahe me post te, trahe cor & affectus meos. O Sanctissima DEI, & mea Mater pretiosissima! ego N. indignissimus filius tuus ex toto corde, omnibusque tam corporis, quam animæ viribus centies millies, imò infinites te saluto: te omni possibili omnium possibilium &c. fol. 190.

Ad quod impetrandum: Ad complendum Deiparæ annorum numerum singulis per octavam hanc diebus octo Ave recitabo.

Per fœcunditatem tuam Domina mundus peccator est justificatus; damnatus salvatus; exul reductus. S. Anselm.

Quæstio: An die B. V. Assumptæ animæ in inferno vel purgatorio mitiùs puniantur?
v. Barri. an. Mar. c. 48.